



ШЫН

НИИТИЛЕЛ-ПОЛИТИКТИГ СОЛУН

1925 чылдың
август 31-де үнүп
эгелээн

№ 45 (17182)

2006 чылдың
АПРЕЛЬ 27,
четверг

Номерни парлалгаже
дужааганы:
график езугаар – 21.00,
херек кырында – 17.00
Садар өртээ – 4 рубль.

Тыва Республиканың Чазаанда

АМГЫ БАЙДАЛ БОЛГАШ СОРУЛГАЛАР



Тыва Республиканың Чазааның эрткен неделяның пятницада болган калбак хуралына мурнады хөгжүдөр дөрт национал төлевилелди боттандырынга болгаш Тываның чамдык кожууннарында яды-түреңги чорукту ажып эртеринге хамаарышкан чээрби айтырыгны сайгарып чугаалашкан.

КАДЫК-ЛА ЧОРЗА...

Бо чылдың бирги кварталында Каа-Хем, Кызыл, Би-Хем, Улуг-Хем кожууннарда, Кызыл хоорайда «Кадык-шил» национал төлевилелди амыдыралга боттандыра дээш чүнү кылып чорутканының түңнелдериниң дугайында илеткелди Тыва Республиканың кадык камгалал сайыды Борис Күдерек кылган.

Үстүнде адаан дөрт кожуунда болгаш Кызыл хоорайда чеже терапевтер, ниити практиканың эмчилери, педиатрлар, акушер-гинекологтар, эмчи сестралары ажылдап турарын, чеже кижги билин бедиткенин, эмнелгелерни дериг-херекселдер-биле дериринге, чонну аарыгларга удур тарырынга, немелде диспансеризация кылырынга муниципалдыг бюджеттен чеже хөреңги бергенин ол дыңнаткан.

Эрткен кварталда Улуг-Хемниң Төп кожуун эмнелгези божуур иелер сертификадынга 589 муң рубльди, Кызылдың Төп кожуун эмнелгези—258 муң, Каа-Хем—376, Би-Хем—108 муң, Кызыл

хоорай ийи миллион ажыг рубльди төлээн. Ооң-биле чергелештир сайыт бирги кварталда федералдыг төптен участок эмчилериниң, эмчи сестраларының шалыңыга немей төлөп бээр чеже хире акша келгенин отчедун берген.

Фельдшер-акушер пунктуларының, участок эмнелгелериниң, эмчи амбулаторияларының материал-техниктиг баазаның кош-каан, кожууннарда ажылдап чеде берген эмчи кадрларга чурттаар оран-сава чедишпейн турарын, эмнер аймаа шыгжаар немелде соодукчулар, термоконтейнерлер садып алыры чугула болуп турарын Борис Кожуун-оолович чугаалаан.

«Кадыкшылга» национал төлевилелди чедишкенин боттандыра болгаш айыткан четпестерни кыска хуусаада эдип алыры-биле хемчеглерни ямы ажылдап кылган. Амыдыралы чединмес өг-бүлелерниң иштиг херэеженнери Кызыл хоорайга кээп УЗИ-ге шинчидип, консультация алыр аргазы чок болуп турар. Ону болдур-базы-биле чединмес өг-бүлелерниң иштиг херэеженнерин транспорт-биле муниципалдыг тургу-

зулар хандыраарын чедип алыр. Оон аңгыда акушер-гинекологтар көжүрүп чоруур УЗИ аппараттары-биле ырак сумуларже үнүүшкүннерни чорудары көрдүнген.

ӨӨРЕДИЛГЕЖЕ КИЧЭЭНГЕЙ

«Өөредилге» национал төлевилелди боттандыра талазы-биле элээн ажылдар кылдынганын хуралга дем-деглээн, ооң-биле чергелештир республиканың өөредилге адырында четпестер барын тодараткаш, оларны эдер, өөредилгениң шынарын экижидер хемчеглерни ажылдап кылган.

Ылаңгыя республиканың чамдык суурларында школа назыны четпээн уруглар садиктерже баар аргазы чок болуп турар. Бо айтырыгны шийтпирлээр хемчеглер алдынган. Каа-Хем кожуунуң Ильинка суурнуң школа назыны четпээннери садик барбайн турган, ам ортумак школада 3-4 харлыг уругларның турар бөлүүн организаастаан. Улуг-Хем кожуунуң 27 өөредилге албан чериниң чүгө ийизи чөпшээрел бижиктиг, өскелеринде чок. Ам чөпшээрел алыры-биле өрттүн айыыл чок чоруун, санитар-эпидемиология байдалын хандыраар хөреңгини тыварын шийтпирлээн.

(Уланчызы 2-ги арында).

ОЛИМПИАДАГА ТИИЛЭЭН



Республиканың аграр лицейиниң өөреникчизи Чойган Геннадьевич Ондар Сибирьниң үндезин чоннарының школа-чыларының аразына Новосибирск хоорайга чоокта чаа эрткен девискээрлер аразының «Төрээн дыл болгаш культура» деп олимпиадазының тиилекчизи болган. Өөредилгеге болгаш шинчилел ажылдарына салым-чаяанныг өөреникчини Тыва Республиканың эртем болгаш өөредилге сайыды Петр Морозов каш хонук бурунгаар хүлээп алгаш, яаманың мурнундан байыр чедиргеш, өөредилгезинге чайынналчак чедишкенин күзээш, чемпионга тайылбырлыг словарьны белек кылдыр сөңзээн. Чойган Ондар башкызы Надежда Дарьевна Сувандии-биле турда, бо чорукту Василий Балчий-оол тырттырган.

Май байырлардарында 7 хонук дыштаныр

Май айның байырлар хуннеринде республиканың чурттакчы чону ийи катап узун дыштаныр хуннерлиг болур. Апрель 29-тан май 1-ге чедир үш хонук, а ооң соонда дөрт хүн улаштыр ажылдааш, май 6-дан 9-ка чедир база дөрт хонук дыштаныр. Майның 6 – Тыва Республиканың Конституция хүнү.

«Шын» солун —Тываның социал-экономиктиг, культурлуг хөгжүлдезин чырыдарына, шийтпирлээринге киржип турар кол парлалга органы болбушаан, тыва национал хүрешти сайзырадып, ону аныктар ортузунга нептередиринге хөй-хөй чылдарда бодунуң төлөптиг үлүг-хуузун кирип келген. Республиканың шыырак дээн мөгелери «Шын» солунуң шаңналы дээш маргылдаага киржип, аңаа шаңналдыг черлерни ап чорааш, улуг спорттуң делгем оруунче кирген дээрзин айтып каары чугула.

Хүреш май 9-та 14 шакта Тываның 5 чылы аттыг стадионга эгелээрин дыңнадып тур бис. Аңаа республиканың болгаш найысылалдың эң шыырак мөгелери киржир.

Маргылдаа колдуунда деткичилерниң идепкейлиг киржилгези-биле эртип келген.

Бай-шыырак организацияларны, сайгарлыкчыларны, тыва хүрештиң мөгейкичилерин «Шын» солунуң шаңналы дээш эртер бо маргылдаага деткички бооп киржирин улуу-биле диледивис.

БАШТАЙГЫ ДЕТКИКЧИЛЕР

1. ТР-ниң Чазааның Даргазы Ш.Д. Ооржак.
2. ТР-ниң Чазак Даргазының Канцеляриязының удуртукчузу Д.Д. Ооржак.
3. Садыг бажыңы «Гаруда».
4. Республиканың одаар чүүлү садып-сайгарар конторазы (начальниги А.Д. Ооржак).
5. Республиканың Аргарыг ажыл-агый талазы-биле агентилел (удуртукчузу С.В. Сапелкин).
6. ТР-ниң Улуг Хуралының Хоойлужудулга палатазының депутаты М.К. Куулар.
7. Күрүнениң механизаастатынган ажылдар чорудар эрге-

8. «Федералдыг автоорук М-54 «Енисей» эргелели (начальниги С.С. Санаа).
9. «ВЕСТ-Офис» КХЭ садыг-бүдүрүлгө фирмазы (директору М.М. Шогжал).
10. «Юбилейный-001» автобүдүрүлгө.
11. Кара-Хөл суму чагыргазы (чагырыкчы А.Д. Иргит).
12. Кызыл кожуунуң Ээрбек сумуунда арат Алаш-оол Монгуш.
13. А.О. Хертек.

Деткичилерниң кээри уламчылап турар.

"ШЫН" - 2006



2006 чылдың май 9-та Тываның 5 чылы аттыг стадионга Улуг Тиилегениң 61 чыл оюнга тураскааткан «Шын» солунуң шаңналы дээш тыва национал хүрешке чаңчыл болган маргылдаа болуп эртер.

Национал төлөвилелдерни амыдыралга

"ФРАКТАЛ" — ӨӨРЕНИП-ДАА,

«Россияның хамаатыларыңа — таарымчалыг болгаш чагайжыттынган чурттаар оран-сава» деп мурнады хөгжүдөр национал төлөвилелди республикага боттандырып чорудар талазы-биле Тыва Республиканың Чазаа улуг ажылды чорудуп турар. Ооң тодаргай чижээнге, бо чылдың февраль айда республиканың тудуг организацияларының удуртукчулары болгаш специалистери, кожуун, хоорай, суму чагыргаларының киржилгези-биле ТР-ниң Чазааның калбак семинар-хуралына ол айтырыгны сайгарып чугаалашканы. Ооң-биле чергелештир семинар-хуралдың киржикчилери Кызыл хоорайның тудуг организацияларына, тудуг ажылын чорудуп турар фирмаларына, биче бүдүрүлгелерге чедип, оларның ажыл-ижи-биле танышканнар. ТР-ниң Чазак Даргазы Ш.Д.Ооржак «Фрактал» фирманың ажылын семинар-хуралдың киржикчилеринге таныштырып, оларның бүдүрүп үндүрүп турар продукциязының шынарын онзалап демдеглээн.

Рынок экономиказының үезинде бүдүрүлгелерге удуртуру амыр эвес ажылдың бирээзи дээрзин, ону экинге чурттап эрттирген кижилер билер. Ылаңгыя биче бүдүрүлгени рынок экономиказына дүүштүр удуртуру — белең эвес ажылдың бирээзи. Үндүрүлгелерден эгелээш, ону хынап, бүрүткөп турар органнарга чедир чугаалаар чүвө болза, оон оруунда шаптараазынар хөй.

«Фракталды» 1997 чылда сайгарлыкчы Зоя Алексеевна Сат тургускан. Экономиктиг кризистин эң берге чылдары, кижилерин холунда акша чок, социалисттик ниитилелдин үезинде ажылдап турган улуг бүдүрүлгелер туруп алган азы буурап дүшкөн турган, оон өнчү-хөреңгизин үптөлөп турган чылдар-ла болгай. Эгезинде Зоя Алексеевна бүдүрүлгенин хос каапкан складын арен-

дага алгаш, септеп кылгаш, чигир, далган, мал чеми садып эгелээн. Ол-ла ынчаар сайгарлып чадап чоруп турда, 1998 чылда болган дефолт база улуг шаптаараазыны болдурган.

Продукт садып турар сайгарлыкчыларның көвүдээни-биле база оон-биле чергелештир республиканың хереглекчилер ниитилелиниң «Бараанны мөөнү-биле садар рыноктуң» тургустунганы-биле, Зоя Алексеевна өскээр сайгарлырын бодап алгаш, 1998 чылда ыяш болбаазырадыр, дилиг материалдарын бүдүрүп үндүрер, чазаан кылыглар кылыр бүдүрүлгени тургузарын шиитпирлеп алган. Баштайында берге болбайн канчаар, чаа дериг-херекселдер садып алыр дээр, сайгарлыкч акша-хөреңгичок, октапкан дериг-херекселдерни база үрелик станоктарны септеп тургаш,

чазаныр цехти тургузуп алган.

Ынчаар ажылдап эгелээш, акша-хөреңгини чоруту ажылдап ап тургаш, чаа дериг-херекселдерни садып ап эгелээн. Херээжен кижиге бүдүрүлгелерге берге болбайн канчаар, арга-дуржулганы өөренип алыры-биле, Красноярскиниң Лесосибирск хоорайга болган «Ыяш болбаазырадыр үлетпүрүн» садыг делгелге-ярмарказына бодунуң специалистери-биле киришкеш, оон хөй чүүлү билип, көрүп алган. Дилиг материалдарының бүдүрүкчүлери болгаш дериг-херекселдерниң хандырыкчылары-биле чугаалажып тургаш, дилиг материалдарын болгаш чазаныр бүдүрүлгени сайзырадыр, хөгжүдөр талазы-биле шын шиитпирни хүлээп алган бис деп түннелди үндүргенер.

Ажылдың шын уг-шиин шилип алгаш орулгалыг ажылдап эгелээрге, бүдүрүлгениң баазы калбарган. Олар эгезинде дериг-херекселдерден ыяш дилдирер чаа технологияның пилорамаларын садып алганнар. Сөөлгү чылдарда бүдүрүлгениң материал-техниктиг баазыны быжыккан, ам ында ыяш дилдирер сөөлгү үениң негелдези-биле кылдыңан 5 пилорама ажылдап турар. Ам көрүнер даан, «Фрактал» эгезинде ыяш болбаазырадыр талазы-биле биче бүдүрүлгелер турган болза, ам тудуг-бүдүрүлгелер фирмасы «Фрактал» кылдыр тургустунуп

келген. Дилиг материалдарын чорутууда эгер берге болбайн канчаар, арга-дуржулганы өөренип алыры-биле, Красноярскиниң Лесосибирск хоорайга болган «Ыяш болбаазырадыр үлетпүрүн» садыг делгелге-ярмарказына бодунуң специалистери-биле киришкеш, оон хөй чүүлү билип, көрүп алган. Дилиг материалдарының бүдүрүкчүлери болгаш дериг-херекселдерниң хандырыкчылары-биле чугаалажып тургаш, дилиг материалдарын болгаш чазаныр бүдүрүлгени сайзырадыр, хөгжүдөр талазы-биле шын шиитпирни хүлээп алган бис деп түннелди үндүргенер.

Зоя Алексеевнаның оң холу, ажыл-агыйның эргелекчизи Юлдаш Тажикабаевич Эмметов, армян омактыг, улгады берген кижиге болду. Тываның тудугларына 1965 чылдан бээр ажылдап келген болгаш тудуг талазы-биле арга-дуржулгалыг. Бо фирманы тургускан үндезилекчизиниң бирээзи. Оон фирманың ажыл-ижин кысказы-биле чугаалап бээрин диледим:

— Кол-ла чүвө фирманың технологиязының чаарттынып турары-биле бүдүрүп үндүрүп турар продукцияның шынары экижээш. Чижилгелиг рынок үезинде шынар чок продукция-биле сайгарлык болдунмас, бистин хоорайда дилиг материалдары-биле ажылдап турар бүдүрүлгелер база хөй. Ынчангаш чижилге черле тургустунуп кээр. Ыяшты Шуурмактан, Хову-Аксындан,



Кол инженерни — Виктор КУНЦЕВ.

Каа-Хем кожууннун девискээрлеринден чөпшээрел езугаар садып алган черлевистен сөөртүп ап тур бис.

Бүдүрүлгевисте колдуунда үш цех ажылдап турар: ыяш дилдирер цех, чазаныр, металлдар-биле ажилдаар цех. Ленталыг пилорама-биле ажилдаарга, ажылдың бүдүрүкчүлү эки болур. Бисте чүгле чангыс эрги пилорама ажылдап турар, а арктаннар шупту чаа. Бүдүрүлгелерден болгаш хуу-даа кижилерден чагыглар кирип турар. Ону дораан кылып бериптер бис. Бистин девискээри-висте материалдың хөйүн көрүнер даан. Чазак чурттаар оран-сава тудуунун талазы-биле мурнады хөгжүдөр национал программаны хүлээп алган-дыр, чагыкчылар көвүдээр боор деп бодап турар бис, амдызында билдинмейн тур — диди.

Юлдаш Тажикабаевич бистерни эдериң алгаш, чазаныр цехке чедире берди. Бо цехте алды тыва оол ажылдап турар болду. Үш чыл бурунгаар бо цехке

чорумда, 4-5 хире станок турган чүвө. Ам ында янзы-бүрү ажылдарны кылыр 19 станок ажылдап турар болду. Оларның хөй кезин кандыг-даа хевирин ажылын кылыр даштыкы станоктар. Ниитизи-биле бо цехте 70 ажыг янзы-бүрү хевирин чазан кылыгларын бүдүрүп үндүрүп турар. Фирманың бир эки чүвези — чазаан шупту этсепти бир делгелге залында делгээш, ында өртектени бижээш азып каан, хереглээн кижиге оон шуптузун көрүп, билип алыр.

Фирмада бажың эжи-терин 8, сонга блоктарының база 8 аңгы хевирлерин кылып үндүрүп турар. Бо эжи-тер төлөвилел езугаар кылдыңан эжи-тер дил-ди, хуу бажыңнарга эжи-тер кылдыртып алыр дээн кижилер болза, хемчээли-биле чагыгны кирип болур. Чазаныр цехтин бүдүрүп үндүрүп турар продукциязын доозазын борта бижире болдунмас, бир эвес тудугжунуң дылы-биле чугаалаар болза, тудугга ажылдап болур ыяштан кылган тудуг материалдары



Культура амыдыралы

ЭРТЕМГЕ БҮРГЕТКЕН

Эрткен субботада С.Пюрбю аттыг Улусчу чогаалдыг бажыңның концерт залына филология эртемиринин кандидаты, Тываның эртемиринин алдарлыг ажилдакчызы, тыва фольклор болгаш чогаал шинчилекчизи, ТР-ниң культура болгаш сагыш-сеткил сайзыралының сайыдынның хүлээлгезин күүседип турар Зоя Байыровна Самданнның мугур хар харлаанын тураскааткан болгаш оон чырыкче парламенттин үнген ийи чаа номнарының презентациязының байырлыг кезээзи болуп эрткен.

Аңаа Тыва Республиканың Чазааның төлээлери, аңгы-аңгы ямыларның, албан организацияларның болгаш өөредилге, эртем черлеринин ажилдакчылары, чогаалчылар, эртемирденнер база кожуун, сумулардан келген аалчылар киришкен.

Байырлыг кезээниң киржикчилери З.Б.Самданга юбилейин таварыштыр база чогаалдык чедишкенин бадыткалы болуп ТР-ниң Чазааның бедик шаңналы

«Шылгараңгай күш-ажыл дээш» деп медаль-биле шаңнатканы-биле изиг байыр чедирип, хөй-ле чылыг, чымчак сөстөрни чугаалаан. Оларның аразында кымнарыл дээр, чүгүле бүгү Тывада болгаш Россияда эвес, а делегейде ат-сураа алдаржаан хүндүлүг чогаалчы, эртемирден егевис Монгуш Борохович Кенин-Лопсан, Тываның болгаш Россияның уран чүүлүнүн алдарлыг ажилдакчызы Мария Андреевна Хадаханэ, ТР-ниң Чазак Даргазының чанында Хөй-ниитинин айыыл чок чорук чөвүлелиниң секретариатының удуртукчузу Биче-оол Сундуевич Шыырап, ТР-ниң Эртемир болгаш өөредилге черлеринин талазы-биле агентилелиниң даргазы Лидия Шуртуевна Ондар болгаш өске-даа билдингир кижилер-дир.

Чалаткан аалчылар сөс ап чүвө чугаалааш, Зоя Самданнның Иркутскиниң күрүнө университетин дооскаш, Тываның дыл, литература болгаш төөгүнүн эртемиринин институтунга ажылдап эгелээн үезинден бөгүнге чедир кылып келген чогаалдыкчы ажыл-ижинге бедик үнелелди

берип, оон тыва чогаалдың болгаш культураның сайзыралына кирип келген улуг үлүг-хуузу онзалап айтып, хүндүлээчел, кижизиг, сагыш чогаал, биче сеткилдиг аажы-чанын магадап чоруурун, өскелерге

үлегерлиин демдеглээн.

Байырлыг кезээге Тываның хөгжүм-шии театрының болгаш күрүнө филармониязының артистери солун программалыг концертин көргүскен.

БАЛЕТЧЕ ЭГЕ БАЗЫМНЫҢ ШКОЛАЗЫ

Кызылдың хореография школазы эрткен улуг-хүнде бодунуң 35 харлаан байырлыг эрттирген. Тываның хөгжүм-шии театрына школа коллективинин байырлыг тураскааткан улуг концертин көрүкчүлөр магадап көргөн. Чүс ажыг уруглар киржи турар бо байырлыг концерти тоолзуг, чараш болуп, аас-кежиктиг чаштар-ның кайгамчык салым-чаяны чыылганнарның хөй-аъдын көдүргени чугаажок.

4 хардан 14 харга чедир танцылаарына ынак уруглар башкыларына, ада-иелеринге, эш-өөрүнге ол кезээ талантызын бараалгаткан. Ол дээрге ат-сураа алган, хөй-хөй Россия болгаш делегей чергелиг конкурстарның лауреады, Гран-при шаңналының эдилекчизи «Алаң-Тос» ансамбли, чоокта тургустунза-даа база-ла каш дакпыр лауреат болу берген «Фиеста» спортчу танцы бөлүү, мырыңай чоокта чаа тургус-

тунган «Хек-Даван» улусчу танцы бөлүү-дүр.

Школаның 35 харлаан юбилейинде хөй башкыларга ТР-ниң Чазак шаңналдарын тывыскан. Школаның директору ТР-ниң культуразының алдарлыг ажилдакчызы Раиса Седиповна Стал-оол «Күш-ажылчы шылгалар дээш» деп медаль-биле, ТР-ниң уран чүүлүнүн алдарлыг ажилдакчызы Лидия Ананьевна Сарбаа болгаш башкылар Радия Оюң, Елена Монгуш олар ТР-ниң Чазак Даргазының Хүндүлел бижии-биле шаңнаткан. Өске-даа хөй башкылар уругларны чараш чүүлге кижизидеринге кирип келген үлүг-хуузу дээш, ТР-ниң Культура болгаш сагыш-сеткил сайзыралының ямызынын хүндүлел бижиктери-биле шаңнаткан.

Балетче эге базымнарын кылып турар уругларның солун концерти чүден артык байырлыг болган.

Бистин корр.

КӨРҮП-ДАА АЛЫР ЧҮҮЛДЕР ХӨЙ

бо фирмада шуптузу бар деп чугаалап болур. Ынчангаш Чазак Даргазының семинар-хуралдың киржикчилеринге бо фирманың ажылын таныштырып турганы таварылга эвес деп билип турдум.

Дуңзаалаар цехке чеде бээривиске, Роберт Далай ажылдап тур. Бо цех нитизи-биле 11 хевирниң продукциязын кылып үндүрүп турар. Соңга решетки-

рындан эгелээш, сейфтерге чедир кылып турар улус болду. Ылаңгыя боо шыгжаар сейфтерни кылып каанының шынары-даа эки, өртээ-даа чиик чорду. Одалга регистрлерин, демир эжиктерни, бок урар бичи саваларны дыка таарымчалыг кылдыр кылып каанын көрдүм. Дуңзаалаа биле алырга, хереглекчилерниң чагыы-биле ажыл-

даарга таарымчалыг бооп турар. Ынчангаш маңаа кандыг-даа чагыны кирип болур, чагыкчының хереглекчилер дүүштүр ажылдаары таарымчалыг болбай канчаар.

Чаа хевирниң ленталыг пилорамазы-биле ажылдап турар Сандак Артаага дужуп келдивис. Ажылчын кижиниң фирмага хамаарыштыр бодалын сонуургап айтырдым:

— Бо бүдүрүлгедө 2002 чылдан бээр ажылдап турар мен. Мооң мурнунда черле тудугга ажылдап чоран кижимен. Тудуг материалы четчир болганда, ажыл үзүлбөс-тир. Ап турар ажыл төлевиринге хомудалыыс чок, ол чогуур үезинде үнүп турар. Мээң ажылдап турар пилорамама чаа болгаш хала чок. Ам артында чыгыл черде турар, шаандагы пилорамаларга деңнээрге, бүрүкчүлүү дыка бедик — деп чугаалады.

Чазаныр-даа цехте ажылдап турар оолдарның, ажыл төлевиринге хомудалы чок улус болду. Бир эвес ажылчыннарның ажыл төлевиринге сонуургалы бедик болур болза, ынчан күш-ажылдың бүдүрүкчүлүү бедик болур.

Фирманың кол инженери Виктор Валерьевич Кушув, көңүс аныяк, ынчалза-даа кончуг чугаакыр, ээлдек:

— Мен колдуунда фирманың менеджер ажылын күүседип, организациялар, бүдүрүлгелер-биле ажылдаар, материалдар хандырылганы, чаа технологияның дериг-херекселдери биле хандырылган дээш ажылдап чоруп турар мен. Фирманың девискээринде ажылды колдуунда Юлдаш Тажибевич харыялап турар. Ол

силерни кол цехтерге чедирген-дир. Бисте хөй эвес 20 хире кижини ажылдап турар. Мында ажылдың технологиязы колдуунда техника дериг-херекселдери-биле холбашкан болгаш бо хире ажылчыннар бо фирмага четчир деп көрүп турар бис.

Ажылдап турар ажылчыннары-выстың мергежили бедик, ону оларның кылып каан материалдарындан көрдүнер ыйнаан диди.

— Кандыг-даа бүдүрүлгени бир бергедедип кээр айтырыгы — үндүрүлгелер болур чүве болгай, бо талазы-биле байдалыңар кандыгы, Виктор Валерьевич? — деп айтырдым.


— Үндүрүлгелерде болгаш өске-даа төлевирлерде бистин эревис чок. Хөй станоктар, пилорама ажылап турар болгаш электри энергиязын хөйү ажылап турар улус бис. Ында безин эревис чок. Ол хамаанчок, «Россияның чаңгыс аай энергия системазы» РАН-ның энергетиктер мурнунга боттарының хүлээлгезин күүседип турары болгаш экономиктиг хөгжүлдө дээш деп диплому-биле шаңнаттывыс. Ажылы-выстың аайы-биле чурттакчы чонга 11 хевирниң ачы-дузанын база чедирип турар бис. Бистен садып алган эжиктерни болгаш өске-даа дериг-херекселдери боттарыныс тургузуп берип турар бис.

Тудуг-бүдүрүлгө фирманы тургустунгандан бээр ажылдап келген мурнакчы, бедик мергежилдиг ажылчыннар хөй. Оларның чижээнге, рамщик Сандак

Артаа, чазаныкчы Василий Монгуш, чолаачы Андрей Ханьяков, кран ажылчыны Василий Кондрашин, электрик Валерий Арокин болгаш чазанылга цегиниң улуг мастери Роман Самбу болгаш өскелер-даа хамаары.

болгаш чаа технологияларны непередири дээш дипломнары-биле шаңнаткан.

Россияның хамаатыларына — таарымчалыг болгаш чаагайжыттыг чурттаар оран-сава» деп мурнады хөгжүдөр национал



Бүдүрүлгениң девискээринде тудуг материалдары.



Фирманың ажыл-агый эргелекчизи Юлдаш Эмметов биле чазаныкчы Чойган Ондар.

Херээжен кижиниң хос складтан бо хире улуг тудуг-бүдүрүлгө фирманын тургузупканынга кым чоргаарланмас боор. Ооң ол ажылын чон-даа, Чазак-даа үнелеп турар. Ынчангаш ол дыка хөй шаңнал-макталга төлөптүг болган. Кызыл хоорай чагырганының 2003 чылда сайгарлыкчылар аразына организастааны конкурса «2003 чылдың эң дээр сайгарлыкчызы» деп номинацияга тиилекчи болган. 2004 чылда ТР-ниң Чазак Даргазының байыр чедирген чагаазын алган, 2005 чылда «Сайгарлыкчы-2005» конкурстун «Тудуг материалдарын бүдүрүп талазы-биле эң дээр биче бүдүрүлгө» деп номинацияга тиилекчи болган. Регионнар аразының «Тыва-Экспо-2004» болгаш «Тыва-Экспо-2005» делгелгяярмарказының «Рынокту шижээдип алырынга дидим

программаны республикага боттандырырынга фирма «Фракта» бодунуң үлүг-хуузу кирип дээрзинге кандыг-даа чигиниң турбас. Бо национал төлевилел чонуну амыдыралын шынарлы деңнелче экижидер сорулганы салып турар болгай. Ону күүседиринге фирманың кылып үндүрүп турар материалдарының шынары көскү черни ээлеп турар. Кым-даа эки бажыңыг болуксаар болгай, ынчангаш тудуг материалын бүдүрүп үндүреринден аңгыда, фирма бажың тударынга чаа технологияны ажылап эгелээн. Ажылы-биле чугаалаарга, бо фирмандан өөренип-даа, көрүп-даа алыр чүүлдер хөй.

Сергей ХЕРТЕК.

Василий БАЛЧЫЙ-ООЛДУҢ тырттырган чуруктары.

Шериг оолдар аваларының комитетинде

ХАРЫЛЗАЖЫП БОЛУР АРГА БАР

«Россияның шериг оолдар аваларының комитетиниң» Тыва девискээр салбыры 1-27-79 деп дугаарлыг телефоннуг апарган. Чылдар иштинде шиитпирлеттинмейн келген айтырыгыны «Гаруда» деп садыг төвүнүн дирекциясы телефон салдырарының талазы-биле шупту чарыгдалдарны боттарынга ап, шиитпирлеп бергени ол.

«Тува-Онлайнның» дыңнатканы-биле алырга, комитеттиң юриси телефон таварыштыр апрель 9-та Приморье крайның Дальнереченск районунуң Кольцевое суурнун девискээринде турар № 86743 дугаарлыг кеззең каапкаш чорупкан үш солдаттың авалары-биле идеялык харылзажып турар. Ол шериг кеззеңге ноябрь айда барган Тываның Кызыл кожуундан Александр Нурсат, Чөөн-Хемчик кожуундан Меңги Монгуш,

Каа-Хем кожуундан Ай-Херел Деспий-оол олар Кабардино-Балкариядан келген кады шериг эрттирип турган эштери-биле уставка дүүшпес хамаарылгандан база оларга хол дээп этээринге шыдашпайн, кезекти каапкаш чорупкан бооп турар. Оолдарның бирээзи ада-иезиниң сотулуг телефонунче долгакаш, кезекче барбазын дыңнаткан, оон башка оларны моон соңгаар дириг турда кым-даа көрбөс дээрзин чугаалаан. Шериг оолдар аваларының комитетиниң сүмези база дилээн езугаар олар Дальнереченск районунуң прокуратуразындан дуза дилээн. Чөрүлдээни Лесозаводск шериг прокуратуразы иштеп турар. Шериг оолдарның авалары чөрүлдээниң болган чылдагаанын тодарадып алыры-биле шериг кеззеңге чеде берген.

Саяна МОНГУШ.

Үндүрүг албанында

ТӨЛЕВЕСКЕ ТОРГААР

Федералдыг үндүрүг албанының Тыва Республика талазы-биле Эргелели дүүн телевидение, радио, солун ажылдакчыларын чалааш, «Декларация кампаниясы – 2006» деп темалыг брифинг эрттирген.

Эргелелин үндүрүг төлекчилери-биле ажылдаар килдизиниң начальниги Н.А. Коломысов, хыналда ажылының талазы-биле килдиз начальнигиниң оралакчызы Б.К. Ондур олар аңаа киришкеш, бо кампанияның уjur-дузанын тайылбырлап, ону болгаш өске-даа билдинмес чүүлдерни номчукчуларга, теле-көрүкчүлерге чедирерин дилээн.

Декларация кампаниясының дургузунда үндүрүг төлекчилери алган орулгаларын Россияның Үндүрүг кодекзинде доктаатканын езугаар меделээр уjurлулар. А олар кымнары?

Хуу сайгарлыкчылар, нотариустар, адвокаттар болгаш хууда практика-биле ажылдап турар өске-даа кижилер-дир. Олар боттары, бот-тускайлаң, декларациязын кирип уjurлуг, ол дээрже сайгарлыкчылааш азы мергежилиниң аайы-биле ажылдааш, кирип алган орулгаларын айтыры болур.

Ынчаарга эрткен чылын эт-хөреңгизин саткан (квартиралар, дача участоттары, чер, бажыңнар, транспорт аймаа болгаш өске-даа) бүгү хамаарылган Россия Федерациязындан дашкаар дөстөрдөн орулга алганын; лотерея-биле

азы адаан-мөөрейлиг оюн-биле акша-хөреңги ойнап алган кижилер — чурттап турар черинде үндүрүг инспекциязынга барып, кижилерниң орулгазынга онаар үндүрүг талазы-биле декларацияны дужаар.

Мындыг үндүрүг төлекчилери база турар — олар декларация дужаар хүлээлгези чок, ынчалза-даа бир эвес олар стандарттыг, социал болгаш эт-хөреңги талазы-биле казылдаларны кылдырар сорулгалыг болза, декларацияны кайыдаа үеде эккеп болурлар.

Хоойлу езугаар декларация кирип уjurлуг кижилер оозун чогуур үезинде эккеп болза, акша торгаалыга онаажыр дээрзин үндүрүг төлекчилери билип, хоойлу-дүрүмү сагып чоруур болза чогуур-дур.

Бистиң корр.

